

PROPOZICIJE TAKMIČENJA A-1 lige

Košarkaškog saveza Bosne i Hercegovine
za sezonu 2024/2025. godine

I. OPŠTE ODREDBE

Ovim propozicijama se propisuju jedinstvene odredbe o rukovođenju i realizaciji takmičenja A-1 lige u nadležnosti Košarkaškog Saveza Bosne i Hercegovine.

Član 1.

Utakmice Prvenstva A-1 lige Bosne i Hercegovine u sezoni 2024/2025. godine igraju se prema odredbama Pravila igre koja utvrđuje Međunarodna košarkaška federacija - FIBA (važeće izmjene i dopune od 01.10.2022.godine.), odredbama ovih propozicija, kao i odredbama odgovarajućih propisa i normativnih akata Košarkaškog saveza Bosne i Hercegovine koja se odnose na takmičenja.

Član 2.

Organizaciju takmičenja, poštovanje odredbi Košarkaških pravila i ovih propozicija, te ostalih pravilnika sprovodi Komesar takmičenja imenovan od strane Upravnih odbora Sistema A Košarkaškog saveza Bosne i Hercegovine.

Komesar takmičenja putem saopštenja, biltena, izvještaja ili na drugi odgovarajući način obavještava nadležni organ, učesnike u takmičenju i javnost o svome radu.

Sve utakmice Komesar takmičenja registruje u najkraćem mogućem roku, a najkasnije 5 (pet) dana od dana odigravanja utakmice.

U slučaju da je na utakmicu podnijeta žalba, rok za registraciju se odlaže do donošenja odluke po žalbi. Za svoj rad Komesar takmičenja odgovara Upravnim odborima Sistema A KS BiH.

Član 3.

Prvenstvo A-1 lige Bosne i Hercegovine za sezonu 2024/2025.godine organizuje se za:

- **Muške seniorske ekipe - Jedinstvena Liga 13**
- **Muške seniorske ekipe - Doigravanje (Play-Off sa 4 ekipa)**

Na osnovu plasmana u okviru navedenih takmičenja dobiće se prvak A-1 lige KS Bosne i Hercegovine za sezonu 2024/2025.

Početak prvenstva u A-1ligi je (okvirno) 05.10.2024.godine. Administrativne naknade za sezonu 2024/25 ostaju iste kao i sezoni 2023/2024.

Broj licenciranih stranih igrača:

Muška seniorska ekipa u A1 ligi - u rosteru od 24 igrača za sezonu 2024/2025 može biti 2 strana igrača, tako da u Obrascu broj 2 (prijava ekipa za utakmicu) može biti prijavljeno 2 strana igrača.

Prvenstvo A-1 lige KS BiH seniori za sezonu 2024/2025 organizuje se u dva nivoa takmičenja:

- **Prvi nivo jedinstvenom Ligom 13,**
- **Drugi nivo Doigravanje-PLAY OFF.**

Prvi nivo takmičenja igra se dvostrukim bod sistemom (jedna utakmica kod kuće, jedna u gostima). Prije početka prvog nivoa takmičenja vrši se izvlačenje takmičarskih brojeva na osnovu kojih se prema Bergerovim tablicama određuju parovi po kolima. U slučaju jednakog broja bodova dva ili više timova plasman se utvrđuje na osnovu Pravila igre - FIBA (plasman ekipa).

Drugi nivo takmičenja Doigravanje-PLAY OFF igraju 4 (četiri) ekipe iz Lige 14 koje su zauzele prvo, drugo, treće i četvrto mjesto.

Igra se po sistemu 1-4 , 2-3 na dvije dobijene utakmice uz prednost domaćeg terena bolje plasirane ekipe iz Lige 14.

U slučaju da slabije rangirana ekipa pobijedi bolje rangiranu, zauzima poziciju bolje plasirane ekipe i prednost domaćeg terena.

Prve četiri ekipe igraju po sistemu 1-4 i 2-3, igra se na dvije dobijene utakmice;

Finale se igra na 2 dobijene utakmice

Prvenstvo A-1 lige KS Bosne i Hercegovine za muškarce napuštaju dvije posljednje plasirane ekipe iz Lige 14, te u zavisnosti od plasmana ekipa iz Sistema A u Prvenstvu KS BiH (prva liga).

Član 4.

Za početak takmičarske sezone Prvenstva A-1 lige Bosne i Hercegovine za sezonu 2024/2025. godine objavljuju se prilozi Propozicija koji sadrže:

- Sistem takmičenja,
- Spisak članova liga,
- Raspored takmičenja,
- Kalendar takmičenja,
- Lista sudija,
- Lista delegata,
- Daljinar,
- Vrste i visina naknada službenim licima.

Član 5.

Utakmice Prvenstva A-1 lige Bosne i Hercegovine u sezoni 2024/2025. godine, igraju se prema utvrđenom rasporedu i kalendaru takmičenja.

Utakmice Prvenstva BiH u sezoni 2024/2025. godine, igraju se u vremenu koje odredi domaćin utakmice, s tim što utakmica ne može početi:

- subotom i radnim danom prije 17:00h niti poslije 20:00h,
- nedjeljom i radnim danom ne prije 14:00h niti poslije 19:00.

Klubovi iz istog grada svoje utakmice, po pravilu, zakazuju tako da između njihovih početaka ima najmanje 3 (tri) sata razlike.

Klubovi učesnici Prvenstva A-1 lige BiH dužni su najkasnije 6 (šest) dana prije početka takmičenja pismeno obavijestiti Komesara takmičenja o mjestu i dvorani odigravanja utakmica za tekuću takmičarsku sezonu.

Utakmice se mogu igrati i izvan naznačenih termina. Odluku o promjeni utvrđenih termina donosi Komesar takmičenja.

Raspored takmičenja nije moguće mijenjati.

Izuzetno, u međusobnom dogovoru, ekipe mogu pomjeriti termin odigravanja utakmice 72 sata prije ili 72 sata poslije termina predviđenog Kalendarom takmičenja. O postignutoj saglasnosti klubovi su obavezni, u pismenoj formi, obavijestiti Komesara takmičenja. U slučaju da ekipe ne mogu da se dogovore o odigravanju termina utakmice konačnu odluku donosi Komesar takmičenja.

U slučaju potrebe, prema zaključku Upravnih odbora Sistema A KS BiH, uskladiće se kalendar:

- Prilikom određivanja termina odigravanja utakmica domaćin treba imati u vidu sportski aspekt angažovanja ekipa iz Prvenstva Bosne i Hercegovine .
- U slučaju potrebe konačnu odluku o vremenu odigravanja utakmice donosi Komesar takmičenja.

Klub domaćin utakmice, dužan je zakazati utakmicu u vremenu koje je dogovoreno ugovorom sa TV kućom, ako tu utakmicu prenosi televizija.

Klub koji je prijavio utakmicu u određenom roku, a kasnije iz objektivnih razloga (zauzetost dvorane) mijenja satnicu ili dvoranu, može to učiniti najkasnije 3 (tri) dana prije prvobitno zakazanog termina, s tim da snosi sve administrativne troškove učinjene ovakvom promjenom.

Objektivnost razloga promjene dvorane, termina i satnice utakmice procjenjuje Komesar takmičenja, koji konačno odlučuje i o eventualnim sporovima u vezi sa ovim.

Komesar takmičenja može, ukoliko procijeni da je neophodno, te ukoliko postoji pismena saglasnost ekipa, odobriti zamjenu domaćinstva, samo u prvom dijelu takmičenja, i ne više od dvije utakmice zamjene domaćinstva u nizu.

Komesar takmičenja može, ukoliko smatra da je to u interesu regularnosti takmičenja, odlučiti da se sve ili pojedine utakmice jednog kola igraju istog dana i da počnu u isto vrijeme.

Član 6.

Ukoliko se utakmica ne može odigrati u predviđeno vrijeme zbog jednog od opravdanih razloga:

- isključenje električne energije
- isključenje ili zastoj u javnom saobraćaju
- vremenske nepogode
- nedolazak sudija
- kvar na uređajima
- epidemiološka situacija

Početak utakmice može se prolongirati najduže 1 (jedan) sat.

Započeta, a prekinuta utakmica zbog opravdanog razloga ili usljed više sile nastavlja se tako da se u nastavku utakmice uzimaju u obzir vrijeme i rezultat u trenutku prekida utakmice.

Ukoliko utakmica ne može da se igra u zakazano vrijeme ili bude prekinuta zbog teškog kvara na nekom od uređaja (isključenje el. energije, lom tabli na koševima i sl.), koji ne može da se otkloni u roku od 1 (jednog) sata, odlukom prvog sudije, utakmica se mora odigrati u roku od 24 sata.

Ukoliko se utakmica ne može zbog opravdanih razloga održati u roku od 24 sata od predviđenog termina početka utakmice, utakmica će se odgoditi.

Odluku o novom terminu utakmice donosi Komesar takmičenja.

Troškove produženog boravka i/ili troškove dolaska na nastavak utakmice, kao i hotelske troškove gostujućeg kluba (maksimalno 19 osoba) zbog nastavka odigravanja prekinute utakmice snosi klub domaćin.

Ukoliko se utakmica ne odigra zbog opravdanog nedolaska gostujuće ekipe, a odložena je zbog uzroka više sile - transporta, odigraće se u toku naredna 24 sata. Uzrok više sile može da bude samo isključenje ili zastoj u javnom saobraćaju, koji onemogućava da ekipa blagovremeno dođe u mjesto odigravanja utakmice. Odluku o odlaganju donosi prvi sudija. Sve nastale troškove zbog ovog odlaganja snosiće gostujuća ekipa.

Klubovi u pravilu ne mogu tražiti odlaganje utakmice osim u vanrednim okolnostima:

- zvanično proglašena epidemija od nadležnih zdravstvenih ustanova BiH i njihove dodatne mjere za zaštitu, za koju će tumačenje dati Zdravstvena komisija KS BiH,
- izuzetno pogoršane atmosferske (vremenske) prilike (snijeg, poplave, požari, i sl.), koje uzrokuju prekide u saobraćaju.

Konačnu odluku o odlaganju utakmice ili kompletnog kola donosi Komesar takmičenja.

II. TEHNIČKI NORMATIVI

Član 7.

Utakmice Prvenstva BiH sezona 2024/2025. godine igraju se u dvoranama koje u svemu odgovaraju uslovima određenim propisima FIBA-e i ovih Propozicija:

Dvorane u kojima se odigravaju utakmice moraju zadovoljiti minimalne tehničke i sigurnosne uslove. Za sve što nije obuhvaćeno ovim Propozicijama primjenjivaće se priloge Propozicija usvojeni od Upravnih odbora Sistema A KS BiH i odredbi dodatka FIBA Službenih košarkaških pravila pod nazivom „Košarkaška oprema“.

Dvorana mora imati poseban službeni ulaz za igrače i ostala službena lica u kojima se mogu nalaziti samo službena lica klubova prijavljene na Obrascu br.2, te delegirana službena lica na utakmici.

- U dvorani se mora obezbijediti poseban prolaz za ekipe, sudije i službena lica, od svlačionica do terena za igru.
- Dvorana mora imati najmanje 800 sjedećih mjesta.
- Sva mjesta u dvorani moraju biti numerisana.
- U gledalištu svi prolazi/stepenice moraju biti slobodni kako bi eventualna intervencija redara i policije bila efikasnija.
- Teren za igru u dvorani mora biti osvijetljen s najmanje 1.000 luksa ravnomjerno po cijeloj površini igrališta, mjereno jedan metar iznad poda, a u slučaju TV prenosa osvijetljenje mora imati najmanje 1500 luksa.

TEMPERATURA

Temperatura u dvorani za igru ne smije biti ispod 16° C i mora biti jednolična što je više moguće.

- Ako delegat ili jedan od klubova posumnja u podatak o temperaturi u dvorani, delegat je dužan da izmjeri temperaturu u prisustvu službenih predstavnika oba kluba i glavnog sudije. **Za tu svrhu klub domaćin mora da ima pripremljen termometar.**
- Ukoliko se utvrdi da je temperatura u dvorani niža od 16° C, utakmica se može odigrati samo uz saglasnost gostujuće ekipe.
- Ukoliko ne postoji saglasnost gostujuće ekipe organizatoru se ostavlja 24 sata da obezbijedi potrebnu temperaturu u dvorani. Ukoliko organizator (klub domaćin) ne može da obezbijedi potrebnu temperaturu ili drugu dvoranu registrovanu za utakmicu Prvenstva BiH, utakmica će se odigrati u roku od 3 dana.

- Odluku o mjestu odigravanja utakmice donosi Komesar takmičenja, a troškove službenih lica i gostujuće ekipe (prevoz, smještaj, ishrana) snosi organizator utakmice (klub domaćin)

SVLAČIONICE

Dvorana mora imati najmanje po jednu svlačionicu za svaku ekipu i za sudije, te prostoriju za delegata, koje moraju biti zaključane i čuvane.

- Domaćin utakmice je odgovoran za predmete ostavljene u svlačionicama.
- Svlačionice za ekipe moraju imati klupe za najmanje 15 osoba i sto za bandažiranje.
- U svlačionicama za gostujuću ekipu, sudije i delegata domaćin mora obezbjediti osvježavajuća pića, kao i za zapisničkim stolom.

INTERNET

- Sve dvorane moraju da imaju kablovski i WI-FI pristup internetu, najmanje brzine 30 MB/sec.

TEREN

Teren za igru mora biti dimenzija i označen na način koje je odobrila FIBA.

Teren za igru mora biti drveni i da zadovoljava slijedeće uslove:

- elastičnost,
- ujednačenost,
- mora biti lakiran,
- ne smije biti klizav i mora imati akustičnu mekoću.
- Granične linije terena za igru moraju biti najmanje 2 m udaljene od gledališta, reklama ili bilo kakve prepreke.
- Prostori ograničenja i centralni krug moraju biti u kontrastnoj boji u odnosu na drveni pod.
- Oko terena za igru mora biti vanjska granična linija širine 2 m, koja mora biti iste boje kao i prostor ograničenja.

TABLE

Sve table na konstrukciji moraju biti od vrste koje je odobrila FIBA kao i tehničke karakteristike i označavanje table moraju biti po pravilima FIBA.

- Table na konstrukciji moraju biti prozirne, u jednom komadu i od sigurnosnog stakla,
- Dimenzija table 180 cm vodoravno i 105cm uspravno.

- Table moraju biti sa unutrašnje strane uokvirene LED sijalicama (trakama) koje svetle jarko crvenom bojom i koje se automatski pale po isteku vremena za svaku četvrtinu ili produžetak.
- Crvene LED sijalice moraju biti sinhronizovane sa glavnim satom na način da se upale, i ostanu da svijetle kada istekne svaka četvrtina ili produžetak.
- Crvene led lampe se ne smiju upaliti kada istekne period od 24 sekunde ili 14 sekundi.
- Na tablama mora biti instalirana horizontalna žuta LED traka, odmah ispod gornjih crvenih LED sijalica, koja označava istek napada .
- Donja ivica table mora biti 290 cm udaljeno od poda.
- Linije nacrtane na tabli moraju biti bijele boje.
- U dvorani moraju postojati najmanje dvije rezervne table, za slučaj loma, a na jednoj od njih mora biti pravilno montiran obruč.
- Klub mora imati potrebna tehnička sredstva i osposobljene osobe za zamjenu table u najkraćem mogućem vremenu.

OBRUČ

Obručevi moraju biti zglobni, od vrste koju odobrava FIBA, i učvršćeni tako da se snaga preko obruča ne prenosi direktno na ploču.

- Obručevi moraju biti narandžaste boje.
- Dvorana mora imati najmanje 2 rezervna obruča u slučaju loma.
- **Klubovi moraju imati opremu za mjerenje visine obruča.**

MREŽICA

Mrežice moraju biti bijele boje i proizvedene na način da na trenutak zadrže loptu koja prolazi kroz koš.

- Mrežice moraju biti dugačke najmanje 40, a najviše 45 cm.
- U dvorani moraju biti najmanje dvije rezervne mrežice.

SEMAFOR

Dvorana mora imati najmanje jedan veliki semafor sa lako uočljivim satom sa padajućim brojevima i vrlo glasnim zvučnim signalom za kraj četvrtina ili produžetaka.

Dvorana mora imati dva automatska uređaja za primjenu pravila napada od 24 sec.

- Uređaj za mjerenje 24 sec. mora biti postavljen iznad svake table i nezavisan od glavnog sata za igru, a kada se uređaj oglasi glavni sat za igru se ne zaustavlja.
- Uređaj za mjerenje 24 sec. mora da ima mogućnost automatskog resetovanja na 14 sec.

KLUPE

Klupe za rezervne igrače gostujuće ekipe kao i zapisnički sto moraju biti zaštićeni od svakog kontakta od gledališta.

- Na istoj strani gdje se nalazi zapisnički sto mora se nalaziti i označen prostor za klupe ekipa.
- Na obje strane se nalazi po 16 (šesnaest) stolica za zamjenike i pratioce.
- Sa svake strane zapisničkog stola moraju se nalaziti dvije stolice za izmjenu igrača.

LOPTA

Utakmice Prvenstva A-1 lige KS BiH sezone 2024/2025. godine igraju se MOLTEN loptama koje po mogućnosti imaju zlatni žig FIBA i KS BiH.

- Domaćin susreta dužan je 60 min prije početka utakmice staviti na raspolaganje domaćoj i gostujućoj ekipi 4 ispravne lopte, a prvom sudiji uručiti loptu s kojom će se igrati utakmica.

REGISTRACIJA DVORANA

Za registraciju dvorana zadužen je Komesar takmičenja ili po njemu određena osoba.

- Dvorana neće biti registrovana ako nisu poštovani uslovi iz ovog člana.
- Sistem A KS BiH izdaje licencu za upotrebnu dozvolu dvorane.

Član 8.

Svi igrači jedne ekipe moraju imati iste dresove. Dresovi moraju da budu obilježeni prema odredbama Pravila igre.

- Na dresu kapitena ekipe mora da postoji vidljiva oznaka.
- Gostujuća ekipa dužna je poštovati boju dresova domaće ekipe, shodno Pravilima košarkaške igre (domaćin uvijek igra u svijetlim, a gost u tamnim dresovima).
- Ukoliko se ekipe dogovore moguća je zamjena boje dresova i klupa ekipa.
- Igrači ne smiju nositi opremu (predmete) koja može uzrokovati ozljede drugim igračima.
- Na dresovima mogu biti obilježeni slijedeći brojevi:
 - - 0
 - - 00
 - - od 1 do 99

Slijedeće nije dopušteno:

- Štitnici za prste, šake, ručne zglobove, laktove ili podlaktice, kacige, naramenice ili naramenice izrađene od kože, plastike, savitljive (meke) plastike, metala ili bilo koje druge tvrde tvari, čak i ako su prekrivene mekom podstavom.
- Predmeti koji bi mogli posjeći ili uzrokovati abrazije (nokti moraju biti dobro odrezani).
- Dodaci za kosu i nakit.

Dopušteno je slijedeće:

- Zaštitna oprema za rame, nadlaktice, bedra ili potkoljenice ako je dovoljno podstavljena.
- Odjeća za ruke i noge, uključujući potkošulje i potkošulje, izrađena od kompresijskog materijala.
- Pokrivala za glavu - ne smije prekrivati niti jedan dio lica u cijelosti ili djelomično (oči, nos, usne itd.) i ne smije biti opasan za igrača koji ga nosi i/ili za druge igrače. Pokrivala za glavu ne smiju imati elemente za otvaranje/zatvaranje oko lica i/ili vrata i ne smiju imati dijelove koji vire iz njegove površine
- Steznici za koljena
- Štitnik za ozlijeđeni nos, čak i ako je napravljen od tvrdog materijala.
- Prozirni štitnik za usta bez boje.
- Naočale, ako ne predstavljaju opasnost za druge igrače.
- Narukvice i trake za glavu, maksimalno 10 cm širine tekstilnog materijala.
- Tapiranje ruku, ramena, nogu itd.
- Steznici za gležnjeve.
- Svi igrači u timu moraju imati svu svoju kompresijsku odjeću za ruke i noge, uključujući potkošulje i potkošulje, pokrivala za glavu, narukvice, trake za glavu i trake iste jednobojne boje.
- Tijekom igre igrač može nositi cipele bilo koje kombinacije boja. Nisu dopuštena bljeskajuća svjetla, reflektirajući materijali ili drugi ukrasi.
- Tijekom igre igrač ne smije prikazivati nikakvo komercijalno, promotivno ili dobrotvorno ime, oznaku, logo ili drugu identifikaciju uključujući, ali ne ograničavajući se na, na svom tijelu, u kosi ili na neki drugi način.
- Sva druga oprema koja nije izričito spomenuta u ovom članku mora biti odobrena od strane Komesara takmičenja

Član 9.

Razglasni uređaj je obavezan na utakmicama Prvenstva A-1 lige KS BiH. Lice koje rukuje mikrofonom, odnosno razglasnim uređajem mora da bude smješteno za posebnim stolom pored zapisničkog stola.

Razglasni uređaj služi samo za davanje obavještenja o utakmici.

Nije dopušteno korištenje mikrofona za podsticanje publike na navijanje, komentarisanje suđenja, ometanje igre i slično.

Korištenje muzičkih instrumenata (trube, bubnjevi, vuvuzele i sl.) tokom utakmice dozvoljeno je samo iza graničnih linija terena nasuprot zapisničkom stolu i klupama ekipa. Puštanje muzike putem razglasa dozvoljeno je samo kada je lopta mrtva i sat za igru zaustavljen.

III. EKIPE, TRENERI I SLUŽBENE OSOBE

Član 10.

Ljekarski pregled igrača obavezan je prije početka takmičenja, ukoliko nije izvršen ljekarski pregled igrač neće biti licenciran za nastupajuću sezonu.

Član 11.

Na klupi za rezervne igrače mogu sjediti samo lica koja su navedena u "Listi igrača i službenih lica", maksimalno 9 (devet) pratilaca ekipe.

Trener, pomoćni trener i službeni predstavnik ekipe na utakmici moraju biti prikladno odjeveni u sakou, pantalonama i košulji (jeans nije prihvatljiv).

Ljekar, fizioterapeut i kondicioni trener ekipe mogu biti u sportskoj opremi.

Trener, pomoćni trener i službeni predstavnik trebaju biti prikladno i jednoobrazno odjeveni: obuća - cipele ili sportske cipele (patike), pantalone štofane (jeans nije prihvatljiv) i košulja ili majica (polo kragna) sa oznakom kluba.

Član 12.

Službeni predstavnik domaćina, u ime kluba domaćina, odgovoran je delegatu utakmice za organizaciju utakmice. Za vrijeme utakmice službeni predstavnik kluba domaćina mora sjediti na klupi za rezervne igrače ekipe domaćina.

Službeni predstavnik isključivo ostvaruje komunikaciju sa službenim licima delegiranim od strane Komesara takmičenja (delegat, sudije i pomoćne sudije) u predviđenom vremenu i na način propisan Službenim pravilima igre.

Službeni predstavnik ispred kluba je jedini ovlašten da službeno kontaktira Komesara takmičenja.

Član 13.

Osim službenih predstavnika kluba, svaki klub učesnik Prvenstva A-1 lige KS BiH sezone 2024/2025. godine odrediće jednu odgovornu osobu kluba za ovlašteno službeno kontaktiranje sa Komesarom takmičenja.

Član 14.

Igračima, trenerima, pomoćnim trenerima i predstavnicima klubova zabranjuje se davanje izjava, koje izlaze iz okvira sportskog ponašanja, o radu službenih lica, takođe nije dozvoljeno davanje na uvid neslužbenim licima dokumenata vezanih za utakmicu.

IV. KOMESAR, SUDIJE I POMOĆNE SUDIJE

Član 15.

DELEGAT

Funkciju delegata na utakmicama Prvenstva A-1 lige KS BiH sezone 2024/2025 obavljaju lica koja se nalaze na "Listi delegata" koja je usvojena Odlukom Upravnih odbora Sistema A KS BiH, a na prijedlog Komesara takmičenja.

Nominaciju delegata na utakmicama Prvenstva A-1 lige KS BiH sezone 2024/2025 obavlja Komesar takmičenja.

- Delegati su dužni o eventualnoj spriječenosti obavijestiti Komesara takmičenja prije nego se izvrši nominacija.
- Delegati su dužni potvrdu nominacije izvršiti odmah, a najkasnije 48 sati po prijemu iste, u protivnom će se smatrati da je ista neopravdano otkazana.
- Delegat je dužan da u mjesto odigravanja utakmice stigne najkasnije 2 (dva) sata prije početka utakmice, osim ako se mjesto odigravanja utakmice nalazi na rastojanju manjem od 100 km, a u dvoranu 1 (jedan) sat prije zakazanog početka odigravanja utakmice.
- Delegati su posebno odgovorni za utvrđivanje prekršaja kodeksa po bilo kom osnovu, kao i za podnošenje izvještaja o istom i provođenje Protokola zaštitnih mjera u situaciji epidemije za organizaciju utakmica i ponašanje učesnika.
- Klubovi ne mogu tražiti izuzeće delegata sa utvrđene liste.
- Delegat na utakmicama Prvenstva A-1 lige KS BiH sezone 2024/2025 mora biti propisno odjeven u odijelu i sa kravatom.

Član 16.

Delegat kontroliše službene licence (kartone) igrača, službenog predstavnika kluba, trenera, pomoćnika, pratilaca ekipe, te pomoćnih sudija.

Delegat je dužan pratiti dešavanja u :

- gledalištu,
- oko zapisničkog stola,
- timskih klupa

i da u slučaju ako je to potrebno izvještava sudije kako bi oni mogli pravovremeno preduzeti odgovarajuće mjere.

Delegat nadgleda i odgovoran je za rad pomoćnih sudija, te u prisustvu službenog predstavnika kluba domaćina provjerava, da li je statistika postavljena na zvaničnu web stranicu lige.

Član 17.

Disciplinsku odgovornost delegata koji ne poštuje odredbe Pravila igre i svoju dužnost ne obavlja u skladu sa ovim Propozicijama konstatuje i rješava Komesar takmičenja.

Član 18.

Delegatima nije dozvoljeno da o navodima u izvještaju i događajima na odigranoj utakmici daju izjave u medijima.

Član 19.

SUDIJE

Utakmice Prvenstva A-1 lige KS BiH sezona 2024/2025 sude sudije sa "Liste sudija" koju na prijedlog Sudijske komisije Sistema A KS BiH usvajaju i odobravaju Upravni odbori Sistema A KS BiH.

- Klubovi ne mogu tražiti izuzeće sudija s utvrđene liste.
- Nominaciju sudija za utakmice Prvenstva A-1 lige KS BiH sezone 2024/2025. obavlja Komesar takmičenja.
- Sudije su dužne o eventualnoj spriječenosti obavijestiti Komesara takmičenja prije nego se izvrši nominacija.
- Sudije su dužne potvrditi nominaciju izvršiti odmah, a najkasnije 24 sati po prijemu iste, u protivnom će se smatrati da je ista neopravdano otkazana.
- Ukoliko sudije (i delegat) putuju u istom pravcu na utakmicu, dozvoljeno je korištenje samo jednog automobila.
- Sudije su dužne da u mjesto odigravanja stignu najkasnije 2 (dva) sata prije početka utakmice, osim ako se mjesto odigravanja utakmice nalazi na rastojanju manjem od 100 km, a u dvoranu 1 (jedan) sat prije zakazanog početka odigravanja utakmice.
- Sudije su na utakmicu obavezni doći propisno odjeveni u odijelu sa kravatom
- Niti jedan sudija ne može nositi bilo koje druge reklame, osim reklama koje su odobrili Upravni odbori Sistema A KS BiH.
- Sudije u toku jednog dana mogu da sude samo jednu utakmicu, izuzev ako je takmičenje turnirskog tipa, a po odobrenju Komesara takmičenja.

Član 20.

Sudije su potpuno samostalne u donošenju odluka, dužne su da striktno sprovode Pravila igre i da ne dozvole da se krše odredbe ovih Propozicija i isključivo su odgovorne za red na terenu i saradnju sa zapisničkim stolom.

Sudije su dužne da opišu sve sporne momente na utakmici, navedu razloge za dosuđene tehničke i isključujuće greške igračima i trenerima, kao i druge značajne odluke koje nisu vezane za sam tok utakmice (smjenjivanje pomoćnog sudije, djelimično ili potpuno pražnjenje gledališta i sl.).

Odluku o zamjeni sudija ili novom terminu odigravanja utakmice donijet će Komesar takmičenja:

- Ukoliko sudija, odnosno sudije ne dođu na utakmicu, delegat određuje zamjenu među prisutnim sudijama sa Liste sudija, uz odobrenje Komesara takmičenja.
- Ukoliko ne postoji uslov za ispunjavanje prethodnog stava, Komesar takmičenja će odrediti da se utakmica odigra uz prisustvo dvojice sudija.
- Ukoliko ne postoji uslov za ispunjavanje prethodnog stava, Komesar takmičenja će odložiti utakmicu.

Na zahtjev Komesara takmičenja sudije su obavezne dostaviti dopunski izvještaj na propisanom obrascu i u propisanom roku.

Član 21.

Prvi sudija smatra se odgovornim u djelokrugu ovlaštenja propisanih Pravilima košarkaše igre i kao takav je isključivo odgovoran za preduzimanje mjera za sankcionisanje nesportskog navijanja i ponašanja gledalaca.

Shodno odredbama i ovlaštenjima po Pravilima igre, obavezan je da, u slučajevima nesportskog navijanja ili ponašanja gledalaca, prema svojoj procjeni, preduzme odgovarajuće mjere i to:

- Opomena gledalaca
- Pražnjenje dijela gledališta
- Pražnjenje dvorane
- Prekid utakmice

Sudije su dužne da utakmicu dovedu do kraja, ako postoji realna mogućnost, bez kršenja Pravila igre i Propozicija takmičenja.

- Ako je utakmica prekinuta zbog ulaska gledalaca u teren i izazivanja tuče, sudije su dužne da istu nastave, po pražnjenju dvorane (djelimičnom ili potpunom) ili najkasnije u roku od 24 sata pred praznom dvoranom.

- Glavni sudija u slučaju pražnjenja gledališta (potpunog ili djelimičnog) ostavlja klubu organizatoru ograničeno vrijeme za koje se njegova odluka mora sprovesti u djelo.
- Glavni sudija obavezno i definitivno prekida utakmicu ako je ostvaren fizički napad na sudiju ili delegata, ili ako gledaoci neposredno ili bačenim predmetima povrede službeno lice, igrača, trenera ili drugog člana ekipe.
- Ukoliko je odlukom glavnog sudije utakmica definitivno prekinuta, ekipa koja je odgovorna za prekid gubi utakmicu službenim rezultatom 20:0 i ne dobija bod u plasmanu.
- Ukoliko klub koji u slučaju prekida utakmice, nakon uspostavljanja odgovarajućih uslova za nastavak utakmice na osnovu odluke glavnog sudije odbije da nastavi istu kazniće se prebacivanjem u niži rang takmičenja.

Član 22.

Sudije ne mogu javno komentarisati događaje na odigranoj utakmici, te ne mogu o svojim izjavama navedenim u izvještaju davati izjave u medijima.

Sudije su dužne nakon utakmice izvršiti sve obaveze vezane za utakmicu, te po odobrenju delegata nakon utakmice sudije i pomoćne sudije mogu napustiti dvoranu.

Disciplinsku odgovornost sudija koji ne poštuju odredbe Pravila košarkaške igre i svoju dužnost ne obavljaju u skladu s ovim Propozicijama, konstatuje i riješava Komesar takmičenja.

U slučajevima vezanim za povrede ovih Propozicija, kaznu izriče Komesar takmičenja, a u slučaju povrede Pravila košarkaške igre kaznu izriče Komesar takmičenja, na osnovu stručnog mišljenja Sudijske komisije Sistema A KS BiH (najavljena žalba na utakmicu od strane kluba u vezi suđenja, te na osnovu traženja Komesara takmičenja u vezi davanja stručnog mišljenja o suđenju).

Član 23.

POMOĆNE SUDIJE

Delegiranje pomoćnih sudija za utakmice Prvenstva A-1 lige KS BiH u sezoni 2024/2025 vrši nadležna sudijska organizacija.

Pomoćne sudije su dužne da u dvorani (za zapisničkim stolim) budu najkasnije 45 (četrdesetpet) minuta prije početka utakmice i da se jave delegatu.

Pomoćne sudije su obavezne da budu jednoobrazno odjevene.

Član 24.

Pomoćne sudije koje ne poštuju odredbe Pravila košarkaške igre i svoju dužnost ne obavljaju u skladu s ovim Propozicijama, a time utiču na regularnost utakmice mogu smijeniti same sudije ili na prijedlog delegata.

U tom slučaju napravit će se pauza radi smjenjivanja pomoćnog sudije, a delegat određuje zamjenu među prisutnim pomoćnim sudijama.

Član 25.

Ukoliko se, u mjestu odigravanja utakmice ustanovi da nema dovoljan broj osposobljenih pomoćnih sudija ili se utvrdi da ne rade u skladu sa Pravilima igre i ovih Propozicija, za neke utakmice mogu da budu određene i pomoćne sudije van mjesta odigravanja utakmice. U tom slučaju delegiranje vrši Komesar takmičenja.

Troškove ovako određenih pomoćnih sudija snosi klub koji iste traži.

Član 26.

Disciplinsku odgovornost pomoćnih sudija koji ne poštivaju odredbe Pravila igre i svoju dužnost ne obavljaju u skladu s ovim Propozicijama, konstatuje i rješava Komesar takmičenja.

V. IZVJEŠTAJ KOMESARA UTAKMICE

Član 27.

Obaveza delegata je dolazak 1 (jedan) sat prije zakazanog početka odigravanja utakmice u dvoranu kako bi izvršio kontrolu svih tehničkih uređaja, obračun i naplatu naknada, kao i drugih troškova službenih lica u skladu sa odlukama Upravnih odbora Sistema A KS BiH, te utvrdi postojanost ostalih uslova za odigravanje utakmice.

Delegat u svom Izvještaju (Obrazac 4) unosi sva zapažanja o svim događajima koja su vezana za utakmicu, upisuje obračunatu i naplaćenu visinu naknada i troškova službenih lica za svako lice posebno, daje ocjenu o organizaciji utakmice, a obavezan je da ponudi svoje mišljenje o spornim situacijama i predmetu žalbe, ukoliko je najavljena.

Izvještaj delegata dostavlja se u roku od 3 sata Komesaru takmičenja putem elektronske pošte.

Član 28.

Originalni Izvještaj delegata:

- Obrazac 4 - zapisnik
- Obrazac 2 - spisak igrača, trenera i službenih lica ekipa

Delegat je dužan da skenira Obrazac 4 i Obrazac 2 i pošalje na e-mail: Komesara takmičenja kao i eventualne izjave prekršitelja ukoliko se dogode na utakmici. Ukoliko ekipe imaju primjedbu ispunjavaju Obrazac 5 i isti su dužne poslati elektronskom poštom, najkasnije 24 sata po odigranoj utakmici Komesaru takmičenja.

Član 29.

Dopunski izvještaj (Obrazac 6) dostavlja se na zahtjev Komesara takmičenja, najkasnije 24 sata po prijemu zahtjeva.

Član 30.

Sudija koji je donio odluku o isključenju igrača, trenera, pomoćnog trenera ili službenih lica klubova obavezan je delegatu saopštiti razloge isključenja, kao i odluku da li za istog podnosi prijavu ili ne.

Ukoliko delegat zahtijeva, sudija koji podnosi prijavu, dužan je opisati sve sporne trenutke u vezi disciplinskog prekršaja.

Prijava protiv izvršioca disciplinskog prekršaja podnosi se na posebnom obrascu (Obrazac 7).

Član 31.

Sudije, delegat i službeni predstavnici ekipa su obavezni da podnesu disciplinsku prijavu ukoliko se za vrijeme utakmice učini disciplinski prekršaj koji nije predviđen ovim Propozicijama već je predviđen Disciplinskim pravilnikom KS BiH.

Delegat je obavezan da uzme izjave od prekršioca i sudija i iste dostavi Komesaru takmičenja i Disciplinskom sudu Sistema A KS BiH.

Član 32.

Od igrača, trenera i drugih službenih lica isključenih na utakmici, obavezno se uzima izjava. Izjavu isključenih članova kluba obavezno dostavlja službeni predstavnik kluba delegatu, odmah po završetku utakmice. Izjavu obavezno potpisuje izvršilac prekršaja.

U slučaju da izvršilac prekršaja odbije dati izjavu ili potpisati zapisnik o saslušanju, delegat tu okolnost navodi u zapisniku o saslušanju.

VI. DUŽNOSTI DOMAĆINA UTAKMICE

Član 33.

(NAJAVA UTAKMICE)

Klub domaćin je dužan da najkasnije 6 (šest) dana (ponedeljak do 09:30h) prije početka određenog termina pismeno obavijestiti Komesara takmičenja putem email-a i gostujuću ekipu o vremenu odigravanja utakmice.

Domaćin utakmice pismeno obavještava nadležnu sudijsku organizaciju (koja određuje pomoćne sudije) o vremenu odigravanja utakmice.

Domaćin je dužan prijaviti mjesto, dan i vrijeme odigravanja utakmice nadležnoj stanici javne bezbjednosti 48 sati prije njezina održavanja, odnosno u vremenu u kojem to zahtijeva nadležna stanica SJB/PU.

Član 34.

(SMJEŠTAJ GOSTUJUĆE EKIPE I SLUŽBENIH LICA)

Klub domaćin je dužan da rezerviše smještaj za gostujuću ekipu i jedan termin za trening i to:

- dan prije odigravanja utakmice u dvorani i u vrijeme odigravanja utakmice,
- ili u vremenu od najviše 1 sat razlike u trajanju od 90 minuta,
- ili na dan odigravanja utakmice u trajanju od 60 minuta

ukoliko to oni zatraže a najkasnije 5 (pet) dana prije odigravanja utakmice.

Klub domaćin je dužan da pomogne gostujućoj ekipi u svakoj prilici, odredi predstavnika kluba koji pomaže gostujućoj ekipi, daje obavještenja o utakmici ili treningu, terminu i slično, ukoliko to zatraži gostujuća ekipa.

Klub domaćin je dužan da rezerviše smještaj za službena lica (sudije i delegat), ukoliko je zahtjev za rezervaciju dostavljen najkasnije 3(tri) dana prije odigravanja utakmice.

Član 35.

(REDARSKA SLUŽBA, BEZBJEDNOST UČESNIKA, GLEDAOCI)

Domaćin je dužan da na svakoj utakmici organizuje redarsku službu u dovoljnom broju, zavisno od veličine dvorane, broja gledalaca i sl., minimalno 4 (četiri) redara. Redari nose iste marker majice ili markere na ruci.

Dužnost domaćina je da organizuje brisanje poda za vrijeme utakmice i obezbjedi najmanje 2 (dva) lica sa odgovarajućim rekvizitima, za svaku polovinu terena po jedan.

Lice odgovorno za sprovođenje ovih odredbi je službeni predstavnik kluba.

Član 36.

Dužnost domaćina je da preduzme sve potrebne mjere koje osiguravaju normalni tok odvijanja utakmice te samim tim snosi punu odgovornost za sve prekršaje i incidente koji se dogode na samoj utakmici ili neposredno u vezi s njom.

Ukoliko gostujuća ekipa organizuje dovođenje svojih navijača na utakmicu (organizovan prevoz, kupovina karata) tim aktom preuzima i odgovornost za sve što ti navijači učine u dvorani i izvan nje.

- Gostujuća ekipa je dužna da najmanje 3(tri) dana prije utvrđenog termina za odigravanje utakmice obavijesti domaćina o dolasku svojih navijača (broj navijača, prevozno sredstvo i odgovorno lice).
- Za incidente koje učine gostujući navijači, odgovoran je gostujući klub.
- Organizovanim grupama navijača nije dozvoljeno da se nalaze iza zapisničkog stola i iza klupe gostujuće ekipe.
- Nije dozvoljeno nesportsko navijanje koje podstiče na nasilje, vrijeđanje na nacionalnoj, vjerskoj i rasnoj osnovi kao i navijanje koje onemogućava normalni tok utakmice (pištaljke, zvučna pojačala, vrijeđanje, psovke i sl.).

Domaćin ne smije dozvoliti posjetiocima da na bilo koji način povrijede prostor za igru unutar ograde (nije dozvoljeno mahanje zastavama i naginjanje preko ograde, pomjeranje konstrukcije i sl.).

Domaćin je odgovoran za bacanje petardi i drugih predmeta (u gledalištu i na terenu), bez obzira čiji to navijači čine, osim u situaciji kada gostujuća ekipa organizuje dovođenje svojih navijača na utakmicu.

Službena lica su dužna da u slučaju ispada gledalaca detaljno opišu događaj i odgovornost navijača.

U slučaju nereda na terenu ili u dvorani, domaćin mora preduzeti sve mjere i potpuno zaštititi sve članove obje ekipe, sudije i delegata utakmice.

- Dužnost domaćina je da osigura njihov nesmetan odlazak u svlačionicu, a članovima gostujuće ekipe, sudijama i delegatu odlazak iz grada.
- Domaćin je odgovoran za obezbjeđenje reda u gledalištu i na terenu i dužan je da poštuje naloge sudija date u tom trenutku.
- Pripadnici snaga javnog reda mogu da uđu na teren samo ako ih pozovu sudije, međutim ako je jasna namjera gledalaca da na terenu počine akt nasilja snage javnog reda odmah intervenišu.
- Svaki napad na ekipe, sudije ili službena lica, bit će sankcionisan u skladu sa odredbama Propozicija takmičenja.

Član 37.

Zabranjen je ulaz u dvoranu svim gledaocima koji žele ući s alkoholnim pićima, oružjem, predmetima koji mogu biti korišteni kao oružje (petarde, baklje i slični pirotehnički predmeti).

Zabranjen je ulaz u dvoranu gledaocima koji su pod uticajem alkohola, omamljujućih sredstava, stimulansa i sl.

Zabranjeno je unošenje i isticanje zastava, simbola, amblema ili tekstova koji direktno ili indirektno potiču nasilje. Obaveza kluba je da ih odmah ukloni.

Svi prekršaji će se sankcionisati u skladu sa ovim Propozicijama i Disciplinskim pravilnikom KS BiH.

Član 38.

(ZDRAVSTVENA ZAŠTITA, SREDSTVA JAVNOG INFORMISANJA)

Domaćin je dužan da osigura:

- zdravstvenu službu - dežurnog ljekara, koji raspolaže materijalom za ukazivanje prve pomoći.
- osigura sve što je potrebno, a u skladu je sa Protokolom o epidemiološkoj zaštiti, koji je sastavni dio ovih Propozicija.
- Dežurnog ljekara za vrijeme utakmice koji je obavezan da sjedi na klupi domaće ekipe.

Doping kontrola se vrši u skladu sa propisima FIBA-e i odgovarajućim aktima KS BiH od strane ovlaštene Antidoping agencije, svi igrači su obavezni da se odazovu pozivu za testiranje od strane ovlaštenih lica.

Domaćin utakmice dužan je osigurati odgovarajući prostor za sredstva javnog informisanja, te omogućiti snimanje utakmice zainteresovanim TV kućama.

Član 39.

(VIDEO SNIMAK, STATISTIKA)

Live stream za sve utakmice Prvenstva Bosne i Hercegovine je obavezan. Realizaciju snimanja obezbeđuje organizator - klub domaćin i utakmicu su dužni odmah postaviti na Youtube kanal KS BiH.

Sve utakmice dostupne su klubovima na Youtube kanalu KS BiH. Organizator je dužan, a i ovlašćen, da omogući prenos utakmica, bilo direktno ili odloženo, samo televizijskim kućama sa kojima KS BiH ima ugovore i uz odobrenje KS BiH, odnosno po uputstvima Komesara takmičenja. Snimanje utakmice je dozvoljeno gostujućoj ekipi i klub domaćin je obavezan da istoj obezbjedi odgovarajuće uslove za snimanje.

Domaćin utakmice je obavezan obezbjediti računar za vođenje statistike prema zvaničnom kompjuterskom programu lige u dvorani uz parket, kao i pristup internetu tokom cijele utakmice.

Statistika se može pratiti i na web stranici KS BiH play by play.

Statistika se vodi za svaku ekipu posebno, te se po jedan primjerak kompjuterske statistike uručuje nakon druge i četvrte četvrtine, te nakon eventualnih produžetaka svakoj ekipi Zbirna statistika uručuje se delegatu utakmice.

Statističare na utakmicama obezbjeđuje klub domaćin koji snosi odgovornost za njihov rad i moraju biti smješteni za zapisničkim stolom.

Za neizvršavanje navedenih obaveza od strane kluba, predviđene su sankcije definisane u ovim Propozicijama.

Član 40. (DRŽAVNA OBILJEŽJA)

Domaćin je dužan da na svakoj utakmici, na vidnom mjestu postaviti državnu zastavu Bosne i Hercegovine i zastavu Košarkaškog saveza Bosne i Hercegovine.

Uz državnu zastavu može biti istaknuta i zastava entiteta, kantona, grada ili kluba s tim da iste ne mogu biti veće od zastave Bosne i Hercegovine.

Izgled, oblik i veličina zastave mora biti u skladu sa Zakonom utvrđenim normama.

Član 41. (POMOĆNI UREĐAJI)

Domaćin je dužan u dvorani osigurati elektronsku i drugu opremu - pomoćne uređaje i to:

- Zapisnik-obrazac propisan pravilima igre i izdat od strane KS BiH,
- pomoćni elektronski semafor za mjerenje vremena i rezultata,
- štoperica za mjerenje 24 sekunde i minute odmora,
- tablice za pokazivanje ličnih grešaka igrača, propisan pravilima igre,
- uređaj - pokazivač bonusa (4 lične greške),
- strelicu - pokazivač alternativnog posjeda lopte,
- rezervni uređaj za objavljivanje posljednjih 8 sec. napada (gong),
- svjetlomjer za mjerenje dvorane,
- termometar za mjerenje temperature u dvorani,
- opremu za mjerenje visine obruča

VII. TOK UTAKMICE

Član 42.

Početak utakmice smatra se onaj moment kada su sudije ušle u dvoranu i kada je semafor pušten u rad, tj. 20 (dvadeset) minuta prije početka utakmice.

Dvadeset minuta prije početka utakmice prvi sudija provjerava da li je domaćin ispunio zahtjeve predviđene Propozicijama i Pravilima igre, da li se na terenu nalaze pomoćne sudije i da li su svi uređaji u ispravnom stanju.

Ukoliko sudije ustanove neispravnost na uređajima isti će:

- ostavit će domaćinu najviše 30 (trideset) minuta da dovede uređaje u ispravno stanje,
- Ukoliko se kvar ne otkloni u ostavljenom roku od 30 (trideset) minuta, ili ukoliko nastane kvar na tehničkim uređajima prije početka susreta, a u vremenu od uključivanja uređaja od strane prvog sudije, pa do početka same igre, utakmica se odlaže za 24 sata.

Utakmica se može odigrati i uz pomoćne uređaje, ukoliko su klubovi saglasni.

Odluku o odgađanju utakmice za 24 sata donose sudije i delegat utakmice.

Ukoliko se neki od uređaja pokvari za vrijeme utakmice, utakmica će se nastaviti uz pomoćne uređaje propisane ovim Propozicijama i Pravilima igre.

Član 43.

45 (četrdeset pet) minuta prije početka utakmice mjerilac vremena, po odobrenju delegata utakmice uključuje sat za mjerenje vremena.

- 6 (šest) minuta prije početka utakmice prvi sudija pištaljkom poziva igrače koji se zagrijavaju da izađu van terena za igru, iza bočne linije.
- Spiker predstavlja gledalištu kapitena, zatim ostale igrače prema rednim brojevima na dresovima.
- Predstavljaju se prvo igrači i trener gostujuće, a zatim domaće ekipe.
- Igrači se postavljaju iza linije slobodnog bacanja, prilikom predstavljanja svi prijavljeni igrači moraju biti jednoobrazno odjeveni (svi u trenerkama, svi bez trenerki i sl.).
- Nakon predstavljanja ekipa, spiker predstavlja službena lica i ostavlja se ekipama još 3 minuta za zagrijavanje dok se igrači i treneri međusobno pozdravljaju i odlaze prema svojim klupama.
- 1:30 prije početka utakmice glavni sudija daje znak da je završeno zagrijavanje.
- Nakon završetka utakmice svi igrači izlaze na igralište, međusobno se rukuju i odlaze prema svojim klupama.

Ekipe ne mogu iznositi nikakve razloge za neodigravanje utakmice ili odgađanje početka utakmice kada sudije odluče da počnu utakmicu. Odbijanje odluke sudija da utakmica počne, smatra se nedolaskom na utakmicu.

VIII. NAČIN BODOVANJA I POSTUPAK PO ŽALBI

Član 44.

Način bodovanja i određivanje plasmana ekipa obavlja se na osnovu FIBA Pravila košarkaške igre. Ukoliko ekipa iz bilo kojih razloga napusti takmičenje (uključujući i Play-Off) u narednoj takmičarskoj sezoni biće prebačena u najniži rang takmičenja, bez mogućnosti nastupa u Prvenstvu A-1 lige KS BiH u prvoj narednoj takmičarskoj sezoni.

Član 45.

Žalba na utakmicu najavljuje se odmah po završetku iste.

Prije nego što sudije potpišu zapisnik, kapiten ekipe obavještava prvog sudiju da njegova ekipa ulaže žalbu i potpisuje se u zapisnik na za to određeno mjesto.

Uz žalbu, prvog radnog dana do 12:00 sati, se uplaćuje taksa u iznosu od 1.000 bodova, na račun Košarkaškog saveza Sistema A koji vodi takmičenje.

Za utvrđivanje tačnog datuma i vremena uplate priznaje se jedino pečat banke na uplatnici ili virmanu, kao i plaćanje elektronskim putem.

Najavljena žalba se u pisanom obliku podnosi delegatu, u posebnom izvještaju - Žalba (Obrazac. 8), najkasnije 20 (dvadeset) minuta po završetku utakmice, od strane službenog predstavnika kluba.

- Podnosilac žalbe obavezan je da u posebni izvještaj unese tačne i precizne navode zbog kojih se žali
- Po prijemu žalbe sudije i delegat daju svoje mišljenje i pismene izjave o navodima iznesenim u žalbi.
- Delegat je dužan žalbu zajedno sa prikupljenim izjavama odmah dostaviti Komesaru takmičenja.

Detaljnija obrazloženja žalbe, žalioac može dostaviti Komesaru takmičenja u roku od 48 sati nakon odigrane utakmice, s tim da tu aktivnost najavi u žalbi.

Dopuna žalbe ne može se širiti van osnovnog razloga koji je naveden u žalbi.

Žalba koja nije najavljena potpisom kapitena, koja nije na vrijeme uručena delegatu, te žalba uz koju nije uplaćena taksa u iznosu od 1.000 bodova, neće se uzimati u razmatranje.

Član 46.

Video snimci, filmovi, slike ili bilo koja oprema (vizuelna, elektronska, digitalna i dr.) ne koriste se da bi se odlučio ili promjenio rezultat utakmice.

Upotreba takve opreme je opravdana samo pri utvrđivanju disciplinske odgovornosti, nakon što je utakmica završena

Član 47.

Komesar takmičenja uvidom u snimak utakmice može utvrditi i sankcionisati disciplinsku odgovornost učesnika utakmice, i ako učesnik nije evidentiran od strane službenih lica kao počinilac prekršaja, što može prouzrokovati i odgovornost službenih lica.

Član 48.

Komesar takmičenja žalbu usvoja ili odbija.

- Kada žalbu odbije, utakmica se registruje postignutim rezultatom.
- Kada žalbu usvoji, utakmica će se poništiti i odrediti odigravanje nove.

Član 49.

Ukoliko je načinjena povreda Pravila košarkaške igre, koja je bitno uticala na rezultat ili je utakmica bila neregularna zbog uslova za odigravanje utakmice koji su predviđeni pravilima košarkaške igre i propozicijama takmičenja, a što je uslovalo da postignuti rezultat nije posljedica sportskog nadmetanja:

- Komesar takmičenja će žalbu usvojiti i naložiti odigravanje nove utakmice, a podnosiocu žalbe uplaćena taksa se vraća.

Ako je žalba usvojena zbog neregularnosti u procesu registracije igrača ili bilo kojeg slučaja zbog čega igrač nije imao pravo da nastupi na utakmici:

- Komesar takmičenja će utakmicu registrovati 20:0 protiv ekipe koja je učinila povredu Registracionog pravilnika ili povredu "prava nastupa na utakmici".
- Kažnjena ekipa neće dobiti jedan bod u plasmanu.
- Podnosiocu žalbe uplaćena taksa se vraća.

U ovom slučaju, obaveza Komesara takmičenja je da podnese disciplinsku prijavu protiv odgovornih lica. Dok traje žalbeni postupak, utakmica koja je predmet žalbe se ne registruje.

Ako je žalba zbog neregularnosti u procesu registracije igrača greška kancelarije Saveza, Komesar takmičenja će žalbu usvojiti i naložiti odigravanje nove utakmice, a podnosiocu žalbe uplaćena taksa se vraća.

U ovom slučaju, troškove odigravanja nove utakmice snosi kancelarija Saveza, a obaveza Komesara takmičenja je da podnese disciplinsku prijavu protiv odgovornog lica.

Član 50.

Jednom registrovana utakmica ili donijeta odluka u vezi sa takmičenjem ne može biti poništena.

Izrečene sankcije mogu se izmjeniti samo po odluci Disciplinskog suda, pod uslovom da je Komesar takmičenja izrekao sankcije koje izlaze iz okvira njegove nadležnosti i spadaju u nadležnost Disciplinskog suda uz odobrenje Upravnog odbora KS BIH.

Član 51.

Odluku o žalbi Komesar takmičenja donosi najkasnije u roku od 3 (tri) dana po prijemu teksta žalbe. Žalba na utakmicu poslednjeg kola Lige 14 kao i utakmica Play-off-a rješava se u roku od 24 (dvadesetčetiri) sata od momenta odigravanja utakmice.

Žalba na utakmicu završnog dijela KUP takmičenja rješava se u roku od 12 (dvanaest) sati po završetku utakmice.

Komesar takmičenja svoju odluku saopštava elektronskom poštom (email-om).

Član 52.

Na odluku Komesara takmičenja dozvoljena je žalba u drugom stepenu koja se podnosi Takmičarskoj komisiji, imenovanoj od strane Upravnih odbora Sistema A KS BiH, i to u roku od 24 sata od prijema Odluke.

Uz žalbu se uplaćuje taksa u iznosu od 1.500 bodova, na račun KS koji vodi takmičenje u A-1ligi. Za utvrđivanje tačnog datuma i vremena uplate priznaje se jedino pečat banke na uplatnici ili virmanu. Žalba koja nije dostavljena Takmičarskoj komisiji u roku od 24 sata po prijemu Odluke, te žalba uz koju nije uplaćena taksa u iznosu od 1.500 bodova, neće se uzimati u razmatranje.

Odluka u drugom stepenu donosi se u roku od 3 (tri) dana i konačna je.

Takmičarska komisija svoju odluku saopštava elektronskom poštom (email-om).

Član 53.

Ukoliko žalba bude usvojena i rezultat utakmice poništen, podnosiocu žalbe uplaćena taksa se vraća, a prilikom odigravanja ponovljene utakmice troškove snosi ekipa koja je izgubila žalbeni spor.

IX. KAZNENE ODREDBE

Član 54.

Za prekršaje ovih propozicija izriču se kazne po osnovu Člana 55.

Član 55.

Utvrđeni su kriteriji novčanih i vremenskih kazni za slijedeće vrste prekršaja klubova, igrača, trenera, sudija, delegata, kontrolora suđenja, i drugih službenih lica i to:

A	ORGANIZACIJA UTAKMICE	BODOVA
1.	Neblagovremena i neuredna prijava utakmice	100
2.	Nedostatak pomoćnih uređaja	300
3.	Neispravni tehnički uređaji	200
4.	Neosiguravanje rezervne aparature	200
5.	Slaba organizacija zapisničkog stola	200
6.	Nedostatak propisanih obrazaca	100
7.	Neosiguravanja svlačionica za ekipe i sudije	200
8.	Neosiguravanje prostorije za delegata	200
9.	Izostanak redarske službe i službe obezbjeđenja	500
10.	Nedovoljan broj redara i policajaca	500
11.	Nejednoobrazni, nepravilno obilježeni dresovi, slaba vidljivost brojeva	100
12.	Neosiguravanje adekvatnog prostora za rezervne igrače, pomoćnesudije i stolica za izmjene	200
13.	Neuručivanje službene dokumentacije delegatu 30 min. prije početka utakmice (licence igrača, trenera, službenih lica, itd.)	200
14.	Neplaćanje taksi i troškova službenim licima u skladu sa Odlukom Upravnih odbora Sistama A KS BiH	200
15.	Nedostavljanje Izvještaja o rezultatu (Obr.3) i zbirne statistike	300
16.	Neizlaženje u susret uredno podnijetom zahtjevu gostujuće ekipe za obezbjeđivanje smještaja i termina za trening	300
17.	Neosiguravanje lica i pribora za brisanje i sušenje terena	200
18.	Nedovoljan broj lopti za zagrijavanje (4)	200
19.	Nedovoljno zagrijana i osvijetljena dvorana	800
20.	Neobezbjeđenje termometra ili svjetlomjera	200
21.	Neisticanje državne zastave BiH i Zastave KS BiH	500
22.	Neobezbjeđenje razglasa	200
23.	Nepredstavljanje igrača prije početka utakmice	200
24.	Neizlazak prijavljenih igrača na predstavljanje prije početka utakmice(po igraču)	100
25.	Nedozvoljena upotreba razglasa, puštanje muzike preko razglasa i ometanje igre preko razglasa dok je utakmica u toku	200
26.	Neprisustvo ljekara na utakmici	300
29.	Nesavjesno ili djelimično snimljena utakmica video kamerom	800
27.	Nedostavljanje video kasete ili DVD-a sa utakmice KS BiH, protivničkoj ekipi ili na zahtjev Komesara takmičenja (48sati). Nerađenje utakmice live streaming na link KS BiH.	500
28.	Nevođenje statistike kompjuterski prema zvaničnom programu	600
29.	Neuredno ili netačno vođenje statistike, nepostavljanje statistike na WEB SITE u opciji ON LINE	300
30.	Nedostavljanje statistike (delegatu, ekipama)	200
31.	Nastupanje neregistrovanog ili suspendovanog igrača za klub	1000
32.	Nastupanje sa manje od 8 (osam) igrača na utakmici	500

33.	Neadekvatna odjevenost trenera, pomoćnog trenera i službenog predstavnika ekipe	100
34.	Slaba organizacija utakmice (ostali nedostaci i propusti ekipa)	300
35.	Neopravdani izostanak ekipe sa utakmice	1500
36.	Odustajanje ekipe od takmičenja u KUP-u BiH	1500
37.	Nepoštivanje Protokola zaštitnih mjera u situaciji epidemije za organizaciju utakmica i ponašanje učesnika	1500

U svim ponovljenim slučajevima u toku takmičenja kazne se udvostručuju i dvostruka kazna je maksimalna u toku prvenstva.

Kazne izrečene za prekršaje navedene pod A-Organizacija utakmice, smatraju se administrativnim (mandatnim) kaznama i na njih se ne mogu izjavljivati žalbe.

B.	NESPORTSKO PONAŠANJE GLEDALACA	BODOVA
1.	Ometanje rada službenih lica od strane neslužbenih osoba	300
2.	Nesportsko navijanje i ponašanje gledalaca	300
3.	Bacanje na teren mekih predmeta (papir i sl.)	100
4.	Bacanje na teren tvrdih predmeta (upaljači, novac i sl.)	300
5.	Bacanje na teren eksplozivnih naprava (petarde, baklje i sl.)	800
6.	Bacanje u gledalište eksplozivni naprava (petarde, baklje is l.)	800
7.	Pušenje gledalaca u dvorani	100
8.	Vrijeđanje službenih osoba i gostujuće ekipe	200
9.	Vrijeđanje učesnika utakmice na vjerskoj i rasnoj osnovi	1000
10.	Narušavanje prostora za igru i ometanje normalnog toka igre	200
11.	Ponovljeni slučaj na istoj utakmici (tačke 1. do 10.), nakon izrečenog upozorenja, novčana kazna se udvostručuje	
12.	Ulazak gledalaca u teren prije, za vrijeme i poslije utakmice	1000
13.	Pokušaj fizičkog napada na službene osobe i gostujuću ekipu	1000
14.	Ostvaren fizički napad na službene osobe i gostujuću ekipu	2000
15.	Ako sporni događaj prouzrokuje privremeni prekid utakmice	1000

16.	Ostvaren fizički napad na službene osobe i gostujuću ekipu saprekidom utakmice bez mogućnosti nastavka -zabrana igranja na svom terenu 3-5 utakmica i novčana kazna	3000
17.	Incidenti koji se dogode prije, u poluvremenu i poslije utakmicena terenu, službenim prostorijama, prostorijama dvorane ili u krugu dvorane a evidentirani su	1000

U svim ponovljenim slučajevima u toku takmičenja kazne se udvostručuju i dvostruka kazna je maksimalna u toku prvenstva.

Kazne izrečene za prekršaje navedene pod B - Nesportsko ponašanje gledaca, osim tačke 15.,16. i 17. smatraju se administrativnim (mandatnim) kaznama i na njih se ne mogu izjavljivati žalbe.

Kazne izrečene za prekršaje navedene pod B - Nesportsko ponašanje gledaca, tačke 15.,16. i 17. Nesmatraju se administrativnim (mandatnim) kaznama i na njih se mogu izjavljivati žalbe.

C.	NESPORTSKO PONAŠANJE IGRAČA, TRENERA I SLUŽBENIH OSOBA EKIPA	BODOVA
1.	Svaka dosuđena tehnička greška igrača	100
2.	Svaka dosuđena tehnička greška trenera	200
3.	Svaka dosuđena tehnička greška službenim osobama ekipa ("klupa ekipe")	200
4.	Ponovljeni slučaj na istoj utakmici (tačka 1. do 3.) -Novčana kazna se udvostručuje	
5.	Svaka dosuđena diskvalifikujuća greška igrača	400
6.	Svaka dosuđena diskvalifikujuća greška trenera	400
7.	Svaka dosuđena diskvalifikujuća greška službenim osobama ekipe	400
8.	Za podnijetu prijavu protiv igrača, trenera ili službene osobe -kazna neigranja ili neobavljanja dužnosti od 1-3 utakmice inovčana kazna	400
9.	Ako isključeni igrač, trener ili službena osoba suprotno Pravilima igre ostane u dvorani nakon isključenja	200
10.	Evidentirane međusobne prijetnje učesnika utakmice	500
11.	Pokušaj fizičkog napada između učesnika utakmice	500
12.	Ostvaren fizički napad između učesnika utakmice -kazna neigranja ili neobavljanja dužnosti od 1-3 utakmice inovčana kazna	1000
13.	Nesportsko kritikovanje odluka sudija	200
14.	Nedolazak službenog predstavnika u prostoriju za sastavljanje žalbe a na poziv delegata	300
15.	Nesportsko ponašanje učesnika utakmice utvrđeno na osnovu pregledanog snimka utakmice sa youtube kanala KS BiH i ako učesnik nije evidentiran od strane službenih lica kao počinitelj prekršaja - kazna neigranja ili neobavljanja dužnosti od 1-3 utakmice i novčana kazna	100-2000
16.	Nepprisustvo službenog predstavnika domaćina na klupi za rezervne igrače tokom utakmice	300
17.	Svaka dosuđena tehnička greška igrača - FLOPPING	50

U svim ponovljenim slučajevima u toku takmičenja kazne se udvostručuju i dvostruka kazna je maksimalna u toku prvenstva.

Kazne izrečene za prekršaje navedene pod C - Nesportsko ponašanje igrača, trenera, službenih osoba ekipa, osim tačke 8. smatraju se administrativnim (mandatnim) kaznama i na njih se ne mogu izjavljivati žalbe.

D.	NESAVJESNO OBAVLJANJE DUŽNOSTI DELEGATA, SUDIJA, KONTROLORA SUĐENJA I POMOĆNIH SUDIJA	UTAKMICA nedelegiranja (u odr. tempu)
1.	Nesavjesno i neuredno obavljanje dužnosti, nespportsko ponašanje, neuredno i netačno provođenje odluka i odredbi Pravila igre i Propozicija takmičenja	1-3
2.	Nepropropisno odijevanje sudija, delegata i kontrolora suđenja - košulja, sako, hlače (ne jeans hlače) i kravata -pomoćne sudije (jednoobrazno)	2 2
3.	Nepravovremen dolazak službenih lica u dvoranu, obavezno 1 (jedan) sat ranije -kašnjenje 5-15 min -kašnjenje 15-30 min -kašnjenje 30-60 min	1 2 3
4.	Neopravdan nedolazak službenih lica na utakmicu	Brisanje sa liste
5.	Neblagovremen otkaz utakmice (nakon delegiranja)	1-3
6.	Nepravovremen izlazak službenih lica na teren, obavezno 30 min. prije početka utakmice (delegat i pomoćne sudije), obavezno 20 min. prije početka utakmice (sudije i kontrolor)	1 2
7.	Konzumiranje alkohola službenih lica na dan utakmice -u ponovljenom slučaju	5 Brisanje sa liste
8.	Slabo suđenje na osnovu izvještaja kontrolora suđenja, pregleda snimke od strane Sudijske komisije Sistema A KS BiH -u ponovljenom slučaju	2 Brisanje sa liste
9.	Neobjektivno prikazivanje činjenica u izvještaju kao iprikrivanje pojedinih činjenica -u ponovljenom slučaju	2 Brisanje sa liste

Za teže prekršaje i prekršaje koji nisu predviđeni u Članu 56. ovih Propozicija primjenit će se odredbe Disciplinskog pravilnika KS BiH.

U svim ponovljenim slučajevima u toku takmičenja kazne se udvostručuju i dvostruka kazna je maksimalna tokom prvenstva.

Sve kazne sudija, delegata, kontrolora suđenja i pomoćnih sudija objavljuju se u biltenima ili saopštenjima Komesara takmičenja.

Kazne izrečene za prekršaje navedene pod D - Nesavjesno obavljanje dužnosti delegata, sudija, kontrolora suđenja i pomoćnih sudija ne smatraju se administrativnim (mandatnim) kaznama, te se na njih mogu izjavljivati žalbe.

E.

Kazne zabrane igranja, obavljanja dužnosti koje su izražene brojem utakmica, odnose se na takmičenje u kojem su izrečene. Ukoliko do kraja takmičenja nije izdržana cijela kazna, ista se prenosi na slijedeću sezonu. Isto se odnosi i na ostala službena lica.

Lice koje je kažnjeno vremenskom kaznom (kazna izražena brojem mjeseci), za vrijeme izdržavanja kazne ne može obavljati niti jednu dužnost u košarkaškom sportu.

F.

Kazne izražene u bodovima odnose se na klubove i ekipe muškog takmičenja.

Za kazne klubovima i ekipama ženskog takmičenja, primjenjuju se iznosi od 50% predviđenog broja bodova.

Utvrđena protuvrijednost boda izražava se i uplaćuje u KM i iznosi 0,50 KM po bodu.

G.

Za sve nepredviđene slučajeve koji nisu obuhvaćeni članom 56. ovlašćuje se Komesar takmičenja na izricanje kazni u visini od 500 do 5.000 bodova.

H.

Ekipe koje iz neopravdanih razloga ne nastupe na utakmici, gube utakmicu službenim rezultatom 20:0 (bez borbe) i ne dobija bod u plasmanu za tu utakmicu.

Ekipe koje izgube dvije utakmice na ovakav način, isključuju se iz takmičenja koje je u toku i u narednoj takmičarskoj sezoni biće prebačene u najniži rang takmičenja, bez mogućnosti nastupa u Prvenstvu A-1 lige KS BiH u prvoj narednoj takmičarskoj sezoni.

Ukoliko dođe do prekida utakmice, ekipa koja je izazvala prekid utakmice gubi utakmicu službenim rezultatom 20:0 (bez borbe) i ne dobija bod u plasmanu za tu utakmicu.

Ekipe koje izgube dvije utakmice službenim rezultatom 20:0 (bez borbe), isključuju se iz takmičenja koje je u toku i u narednoj takmičarskoj sezoni biće prebačene u niži rang takmičenja, bez mogućnosti nastupa u Prvenstvu A-1 lige KS BiH u prvoj narednoj takmičarskoj sezoni.

Ako ekipa samovoljno napusti teren prije kraja utakmice, uključujući i utakmice KUP-a ili odbije da nastavi da igra nakon poziva sudija, isključit će se iz takmičenja koje je u toku i u narednoj takmičarskoj sezoni biće prebačena u niži rang takmičenja, bez mogućnosti nastupa u Prvenstvu A-1 lige KS BiH u prvoj narednoj takmičarskoj sezoni.

U slučaju da za ekipu nastupi igrač koji nema pravo nastupa (suspendovan, kažnjen ili nije uredno registrovan) utakmica se registruje službenim rezultatom 20:0 (bez borbe) za protivnički tim, a tim koji je nastupio sa igračem koji nema pravo nastupa ne dobija 1 (jedan) bod u plasmanu.

U ponovljenom slučaju ekipa se isključuje iz takmičenja, bez mogućnosti nastupa u Prvenstvu A-1 lige KS BiH u prvoj narednoj takmičarskoj sezoni.

Ekipe koje napuste Prvenstvo A-1 ligu KS BiH u toku takmičarske sezone, nema pravo nastupa u Prvenstvu A-1 lige KS BiH 3 (tri) naredne takmičarske sezone.

Ukoliko ekipa odustane od takmičenja ili joj bude izrečena mjera isključenja, a odigrala je manje od polovine predviđenog broja utakmica, njeni rezultati se brišu.

Član 56.

Ukoliko ekipa, trener, pomoćni trener i druga službena lica naprave prekršaj koji podliježe disciplinskoj kazni, delegat i sudije moraju predati pismene izvještaje najkasnije 12 sati od završetka utakmice.

Član 57.

Klub kojem je izrečena kazna zabrane igranja utakmice na svom terenu, dužan je prijaviti odigravanje utakmice u drugom mjestu koje je udaljeno najmanje 50 km i u kojem postoji registrovana dvorana za određeni rang takmičenja

Član 58.

Izrečene kazne zabrane igranja izvršavaju se na utakmicama Prvenstva A-1 lige KS Bosne i Hercegovine kao i utakmica KUP-a sezona 2024/2025.

Član 59.

O Disciplinskim prekršajima i prekršajima iz Člana 55. i 56. ovih Propozicija koji se odnose na klubove, igrače, trenere, službena lica ekipe, sudije, delegate, kontrolore suđenja i pomoćne sudije na utakmicama Prvenstva A-1 lige KS Bosne i Hercegovine, sezona 2024/2025, odluke u prvom stepenu donosi Komesar takmičenja.

Za odlučivanje po uložnim žalbama na odluke koje je izrekao Komesar takmičenja u drugom stepenu je nadležna Takmičarska komisija. Na odluku Komesara takmičenja o novčanim ili vremenskim kaznama dozvoljena je žalba u roku od 24 sata od prijema odluke uz plaćeni iznos od 1.500 bodova.

Takmičarska komisija žalbu usvaja ili odbija. Odluka se donosi u roku od 3 (tri) dana i ista je konačna nakon što je potvrdi Upravni odbor KS BiH.

Član 60.

Ekipe učesnice Prvenstva BiH sezone 2024/2025. godine, snose svoje troškove takmičenja.

X. FINANSIJSKE ODREDBE

Član 61.

- Ekipe učesnice Prvenstva BiH sezona 2024/2025.godine finansiraju

administrativno-tehničke i ostale zajedničke troškove takmičenja.

- Ekipe učesnice su dužne osigurati dovoljno sredstava iz kojih se finansira takmičenje.
- Visinu ukupnih troškova utvrđuju Upravni odbori Sistema A KS BiH.
- Ekipe učesnice su dužne izvršiti uplatu troškova takmičenja, koji garantuju njihovo učešće, u roku koji su odredili Upravni odbori Sistema A KS BiH.

Ukoliko se novčana potraživanja ne podmire u utvrđenom roku, smatra se da je klub odustao od takmičenja.

Član 62.

Putni troškovi sudija i delegata isplaćuju se na osnovu Odluke o naknadama putnih i drugih troškova za vrijeme trajanja službenog putovanja.

Obračun putnih troškova vrši delegat, na osnovu Daljinara, cijene pogonskog goriva navedenog u delegiranju, uvećan za iznos putarine (obavezno priložiti račun).

Ekipe domaćin susreta je obavezna izvršiti isplatu taksi i putnih troškova sudija i delegata dan prije odigravanja utakmice.

Službeni predstavnik domaće ekipe je dužan 1 (jedan) sat prije početka utakmice dati na uvid uplatnice delegatu iste.

- Klub domaćin dužan je putem e-mail-a u narednih 5 (pet) radnih dana službenim licima utakmice dostaviti Obrazac o uplaćenim porezima.
- Takse za pomoćne sudije i statističare isplaćuje klub domaćin gotovinski, 1 (jedan) sat prije početka utakmice.

Ukoliko službena lica ne prijave klub zbog neizmirenja obaveza odmah po završetku utakmice, u izvještaju sa utakmice, rukovodstvo A-1 lige KS BiH neće imati nikakvih obaveza prema službenim licima.

Član 63.

Klubovi su obavezni finansijska potraživanja prema odluci Komesara takmičenja o novčanim kaznama uplatiti u roku od 3 (tri) dana od dana prijema računa (fakture), odnosno od pravosnažnosti odluke.

Ukoliko se finansijska potraživanja ne izmire u utvrđenom roku, klub je automatski suspendovan.

- **Žalba na odluku ne odlaže njeno izvršenje.**

Suspendovani klub ne može nastupiti na narednim utakmicama sve dok ne izmiri svoje finansijske obaveze, a utakmice gubi službenim rezultatom 20:0 (bez borbe), prema Pravilima igre.

Klub koji ne izmiri svoje finansijske obaveze prema takmičenju, ili prema matičnom košarkaškom Savezu, na osnovu odluke Komesara takmičenja, kao i na osnovu ovih Propozicija, ne može igrati utakmice u sljedećoj prvenstvenoj sezoni, dok ne izmiri svoje finansijske obaveze.

Član 64.

Svi iznosi navedeni u dijelu IX. KAZNENE ODREDBE ovih Propozicija izraženi su u bodovima.

Utvrđena je vrijednost boda u iznosu od 0,50 KM.

XI. ZAVRŠNE ODREDBE

Član 65.

Slučajeve koji nisu predviđeni ovim Propozicijama rješavaju Upravni odbori Sistema A KS BiH. Ove Propozicije tumače Upravni odbori Sistema A KS BiH.

Član 66.

Ove Propozicije objavljuju se na službenoj web stranici Košarkaškog saveza Tuzlanskog kantona.

Propozicije takmičenja, kao i službeni Bilteni Prvenstva A-1 lige KS Bosne i Hercegovine dostavljaju se klubovima učesnicima Prvenstva A-1 lige KS BiH sezona 2024/2025 i to elektronski putem e-mail- a.

Član 67.

Propozicije takmičenja stupaju na snagu danom usvajanja.

Tuzla, avgust 2024. godine